



鐫五侯鯖卷之七

人物門

仙

上祠神人于交門宮若有向坐拜者作交門歌

縉雲堂在永嘉縣皇帝煉丹處 黃帝作樓候

神人于執期名祈年 武帝作飛廉樓 老

子廟有皇天樓 九柱樓 念靜樓皆畫仙

人雲氣 隱士郭休運氣絕谷于太白山建

豫章彭儼若思甫著



茅屋百餘間有白雲亭 煉丹洞 注易亭

修真亭 朝玄壇 集真閣每對客山禽野獸

擊一片鐵子清亮鳥獸聞之皆集名喚鐵

鄠都君山上有玉臺周迴皆白石柱自然覆如

屋形四面松杉遙眺峩峩如羽人之館 仙

人好樓居乃作飛夢桂觀 魏進先字孝然

結草廬河間號蝸牛廬爲野火所燒乃露寢

雪中袒臥人視之如故 台州仙石山有館

土人謂黃公客堂堂旁有石步廊觸石雲起

崇朝必雨有四竿筋竹風吹自成陰拂石皆

浮郎王方平游處 漢時道士種貝多子于

嵩高西麓有四樹與衆木異一年三花白色

香美 緱氏山在嵩山西王子喬吹笙處

毛女在華陰山中山客獵師屢見之體生毛自

言始皇宮人呼子仙者漢中闕下卜師臨去

呼酒家姬令促裝與俱去夜有持二茅狗龍也

來持一與姬因各騎上華山山人常聞大言

呼子仙酒母在此 昌容者常山道士自稱



殷王女食蓬萊根往來山下人見者二百餘年顏色如二十許人 常山有道士不食五谷自言太乙之精所居地名地肺可避水有故漆船在上山有水神人乘船行追之不及王烈入太行忽聞雷聲視之見山石破開數百丈一孔尺餘青泥流出烈取搏之隨手堅凝氣味如粳米飯此石髓服之與天齊壽 楚狂陸通養性蜀蛾眉山世世見之數百年 餘姚盧洪入天台采茗遇道人牽三青羊至瀑

布泉曰吾丹丘子也聞子善具飲常思見惠山中有大茗可以相給祈子他日有甌犧之餘不相遺也因往獲大茗焉 增城何氏有女仙術持一石置小石樓上遠觀如畫 月中仙人宋無忌 華陽公主以病丐爲道士號瓊華真君 王母使獻白玉管吹之以和八風 羅郁九嶷山得道女簡文時降羊權家贈詩及火浣布金玉條腸已九百歲矣 薛昭遇仙女張雲容蕭鳳臺劉翹翹得絳雪丹



度世 葛洪從祖仙翁每醉輒入水底一日  
許乃出 武夷山有昇真洞中有神仙脫骨  
不記其數前有黃心木棧四木船兩兩相覆  
盛仙骸下有冲佑觀 關令尹喜周大夫  
夢絳綃流繞其身及生其家陸地生蓮花  
沈義將飛昇忽有白鹿青龍車羽衣持節以青  
玉界丹玉板拜碧落侍郎 李根兩目瞳子  
皆方云八萬歲則瞳子方 薊子訓有道術  
至京諸貴人邀之皆許某日午時往是日二

十三處皆見衣服議論如一

封君道常乘

青牛名青牛師道上有病死者以竹管藥與  
服或針應手皆愈 董威輦晉武未在洛陽

白社中寢息衣不蔽形恒吞石子終日不食  
時或著詩莫知所終 阿環是上元夫人道

在弟子總領真籍亞于龜臺 魏夫人晉司

徒魏舒女名華存嫁劉幼彥生二子學道服  
胡麻散茯苓丸有真人授以太上寶等書位  
爲紫虛元君南岳夫人升天而去 李克自

言三百歲荷草畚負五岳真圖謁武帝帝禮  
待之稱負圖先生 陶安公治師也數行火  
一旦治上紫氣冲天公求哀須臾朱雀至治  
上曰安公治與天通七日迎女以赤龍龍如  
期至公上昇 崑崙東南有神州中有和美  
鄉五岳之城帝王之宅聖王所生 又東南  
有赤縣風雨有時寒暑有節 又山有光碧  
堂王母所居瓊華之室金丹流雲之堂 又  
有銅柱高入雲所謂天柱圍三十里圓曲如

削 又閩風之苑有城千里玉樓十二左帶  
瑤池右環翠水積金爲天墉城上金臺五所  
有軒轅臺射者不敢西向畏臺也 廬山三  
宮上宮懸崖之表人所不及次宮岩下傍有  
陰陽溝有石羊馬夾道相對下宮近湖邊  
聚窟洲在西海北接崑崙多仙宮有辟邪天鹿  
獸上有樹與松相似芬芳數里 玉容者虛  
無真人逸宅亦真息之明堂 青丘山有紫  
宮真人仙女多遊于此 赤城大元真人所



王侯魚  
居 益州青城山似城有崖舍赤壁南連峨  
嵋遙望惟見兩青嶺山如蚕蛾之眉乃諸洞  
天諸靈書所藏 西北荒外有石室容二百  
二十人同居齊壽千二百歲 太極紫瑤之  
闕太極玄光真君所治處開闢以來人生死  
簿籍在其中 金華有室一所是丹溪人黃  
初平隱處 委羽山洞周廻萬里名曰人有  
空明天司馬季主在其中 蜀新都縣山有  
芝草神魚王方平與太上相會治應斗宿

雲臺山上桃一株三年一花五年一實懸無底  
之谷 玉局在成都南永壽元年正七日太  
上乘白鹿張天師乘白鶴至此有局脚玉床  
自地而出太上升座爲道陵說南北斗經去  
而床隱于地故名 鍾山在北海隔弱水自  
生神草仙人種芝課計頃畝如稻狀有玉石  
泉上有九元丈人宮主領天下水神 洗藥  
池在贛州興國縣洪見山靈水秀結廬築壇  
鑿池洗藥于此 九鯉湖何氏兄弟九人居



湖側煉丹丹成乘九鯉仙去故名。出大明一  
統志。蜀有李阿穴居不食八百歲號李八  
百後不知所在因常在又名李常在。有人  
好拜枯樹輒云乞長生如此二十八年木生  
紫華甘如蜜食之卽仙。山圖赤斧木羽列  
仙名。嶺表菖蒲一節九寸安期生服之上  
昇遺王舄始皇因立玉舄閣。王子喬乘白  
象遊高安荷山象化爲石山中有池多紅蓮  
甯封子黃帝時爲陶正有人過之謂其掌火能

出入五色烟久則以教封子積火自燒隨烟  
氣上下視其灰燼猶有骨人葬北山中謂甯  
封子。帝女桑南方赤帝女學道得仙居南  
陽嶠山桑樹上啣柴作巢或作山白鵲或作  
女人赤帝誘之不從以火焚女卽昇故名帝  
女桑鵲名神女。湯時仇生赤爲木正食松  
脂自作石室周成王祠之。偓佺好食松實  
能飛行速走。離離公食竹汁餌桂得仙。  
廬山有三石梁廣不盈尺長數十丈吳猛過此

一老翁坐桂樹下以玉盃承甘露與猛桂  
 父象林人常食桂皮葉以龜腦和之 西王  
 母至壇壇四面種軟條青桂風至桂枝自拂  
 階上遊塵 范蠡好食桂飲水賣藥人多見  
 之 許由父箕山得石桂英丹砂食之 綴  
 山多桃葛由刻木作羊騎入山王侯追之得  
 桃實皆仙 蔡誕入山歸語家人曰到崑崙  
 有玉李光徹而堅以玉井水洗之軟可食  
 五雲丹山有玄雲李食之得仙 琳國有玉葉

李五千年一熟韓終食之仙又名韓終李

龍肝瓜花紅葉素生冰谷仙人瑕丘仲得瓜食

之千年不飢渴瓜上如霜雪刮嘗如蜜 仙之上藥有空同靈瓜四

劫一實又有碧海之琅菜 王母云自造朱

炎山陵食靈瓜味美顧此未久已七千歲矣

南岳夫人名魏華存好神仙冬月夜有真人至

靜陳玄室賜絳實靈瓜 吳徐光從人求瓜

不得便索辦種之忽生蔓開花成實 王子

喬變白增年甘菊三月上寅日采曰玉英六



月上寅曰容成九月上寅采曰金精十二月  
上寅曰長生生長根莖也朱孺子吳末人玉

笥山服甘菊花上昇 康風子食菊花桐實

仙去 武帝以紫羅薦地燔百和香燃九微

燈以待王母 園客種五色香草服其實忽

五色蛾集其上客收之生華蚕焉一女來助

客養蚕得繭如甕繭繅六七日絲方盡女客

俱仙 服玉脂一升得千歲服玄真其命不

極玄真玉別名 西王母曰昌城王藥夜出

山火 陳允升以藥塗紙投火成金 嵩高

山岩下有石室有自然經書自然飲食 西

王母戴太真晨纓上元夫人戴九星靈芝夜

光冠服青霜袍王母至穆王春宵宮納丹豹

文履 琴仙成連先生也 魯少千山陽人

漢文帝微服懷金欲問道千執象牙扇柱金

杖出應門 葛仙翁學道女几山後得仙所

憑木几化爲白鹿三足兩頭出山上 老子

山居與世人絕唯有黃髮五人手執青筇杖



出入室中與老子談 壺公遣長房還與一  
竹杖騎歸乃青龍也 王遙遇雨令弟子以  
九節杖擔篋不濕 武帝登少室見女子有  
九節杖 白和遼東人師事王君君曰我暫  
往羸州汝止此石室熟視此壁後有文字可  
讀之視三年見壁有古刻太清經讀之得仙  
居民徐公登嶺見二人博於湖中自稱赤松子  
安期先生酌飲徐公公醉寐其旁醒不見人  
宿草攢蔓其上三年徐公方歸故今名湖爲

徐公湖 費長房遇壺公能縮地脉千里聚  
其目前放之如舊 喬順二子璋瑞師事仙

人盧子期于隆慮山棲霞谷服飛龍藥一丸  
千年不饑魏武詩曰西山有雙童不飲亦不  
食 白石先生煮石爲糧居白石山 仙家

三寶 紅麩枕 碧瑤杯 紫玉函 又有

芳松枕 王母獻碧蒲席 黃莞薦 仙家

有九光九微九華燈張陵仙鼎十刻丹經埋  
于雲臺山下 神人乘三雲車 大真丈人

登白鸞車 東海君乘獨颺飛輪車按行諸  
洞 抱朴子五藥三芝芝參成芝木渠芝建  
寶芝五藥草木虫食谷

佛

如來在雪山修道芻尼巢於頂上既成道芻尼  
受報為羅提國王芻尼野鵲雛如來即釋迦  
佛 鄧州老僧食二鳩人非之僧盥漱二鳩  
從口出一能行一匍匐一為徒盜食其足故  
匍匐號嘯鳴鳩和尚 摩頂松玄裝法師往

西域取經摩松枝吾西去可西長吾歸當東  
向忽向東師果回 天台智者院僧行蒲居  
房外有巨松橫枝上寄生小樹每滿出坐寄  
生必嫋嫋向側謂此樹作禮茶頭 有梵僧  
從天竺驚嶺飛來八月十五夜有桂子落  
竺慧猷夜爰讀詩後云陌南酸棗樹樹名六奇  
木 草龍珠天寶中沙門曇雲至葡萄谷得  
食葡萄見枯藤如指持作杖還植之遂活若  
帷蓋蔭地幅圓十丈房實紫瑩如墜因名谷



在貝丘之南其食但可就食取歸者輒迷失  
道 藍田玉順山悟真寺有高僧寫涅槃經  
羣鴿自空中銜添硯水 新羅國獻萬佛山上  
製九光扇于岩岫間四月八日召僧禮佛山  
觀九色佛光于殿中佛光卽九光扇 僧權  
道居霍山晨出見澗白水異常飲之甘如醴  
葛瓚化宮西有丁東水出崖腹滴窪石竅中積  
雨不加久旱不竭 安西境內前踐山下有  
伽藍其水滴溜成音可愛人采掇其聲以成

曲調故曰耶婆瑟雞曲 潯陽落星山澗有

五松橋惠遠法師與殷仲堪席間談易樹下

泉湧名聰明泉 虎丘山礪側平石號千人

坐俗傳生公講法得名 廣州廬山高入雲

霄上有池每至甲戌日聞鼓角吹簫聲 難

陀苑中有種風輪開者風來開苑諸門淨者

令皆掃除清淨吹者吹諸花樹令花布散

寶雲溪有僧舍寒冬客至不然薪火煖香一炷

蒲室如春 觀察使裴休訪善覺禪師問有



侍者否師即喚大空小空忽二虎自庵後出  
師曰有客且去遂咆哮而去 佛陀那舍赤

髭善解毗耶沙時號赤髭毗沙耶高僧釋曇

足白如面須跣泥水未嘗沾濕號白足和尚

魏武時有僧名思始足白號白足禪師 陳覺

遊雁蕩山見藤蔓纏繞一僧 西國名淨土

以無三毒五濁菜故名緇僧 佛生周莊王

七年四月八日自佛下世長星不見後涅槃

葬回鹿山 西域苑中有柰樹生果中有一

女子王收為妃乃以苑地施佛為伽藍名王

柰苑 釋迦佛手拈一花迦葉見之微笑遂

付以正眼法藏 祇園佛說法之所 叢林

僧說法聚處 鹿苑佛成道處 四藤閣佛

家有之 水晶域 火宅僧有室家者 鳩

摩羅什姚王以妓女逼令受乃自講說譬如

蓮花生臭泥但取蓮花不取臭泥 維摩經

有八解浴池 浮屠佛也佛者漢言覺覺悟

衆生也 道安禪師受業于佛圖澄姓帛氏

以師莫過佛遂以釋爲姓沙門稱釋自道安始白居易晚惑浮屠經月不食葷與香山如滿結香火社白衣鳩杖號香山居士釋迦佛袈娑長二丈五尺獻于高宗高宗疑其異焚之終日不然衆驚異僧慧琳善談論宋文帝與議朝廷大政孔顛曰遂有異衣宰相廣額屠兒在涅槃會上放下屠刀立便成佛萬迴禪師姓張弘農人母祈大士生迴九歲方語兄戍安西距家萬里父母命看之一日而

返故名武后賜錦袍玉帶道林禪師初至秦望山見長松幡座如蓋遂棲止其下後有鵲巢其側號鵲巢和尚生公禪師講經虎丘寺人無信者乃聚石爲徒與談至理石皆點頭神鎮禪師見蜂子投紙窓中求出師曰世界如許廣不肯鑽他故紙元珪禪師有人裁冠至曰我岳神稽首乞戒師曰與五戒不淫不盜不殺不妄不敗酒僧嵬戒行嚴潔有女寄宿自稱天女以上人有德遣來



勸勉鬼執意貞確曰吾心若死灰母以革囊見試女凌雲而去 陳書云王固好佛常聘魏宴于昆明池魏以南人嗜魚大設罟網固以佛法呪之不獲一鱗 道標詩章比之潘陸時吳興有清畫清皎然字湖州人靈運十世孫會稽有靈徹語曰雪之畫能清秀越之徹洞水雪杭之標摩雲霄 佛滅後第一祖迦葉到雙林樹間號泣佛于金棺內伸雙足僧至曹溪水口聞其香掬嘗其味曰此水上流

有勝地遂開山立名寶林後百七十年無上法寶演法于此卽陸祖南華 惠遠法師送客過虎溪輒號鳴送陶元亮陸修靜與語道合忽過溪因大笑世傳三笑圖 男子出家學佛始衣罽墨連裙黹衫謂之髦裝 丹霞禪師初習儒業將應舉道逢禪客曰選官何如選佛曰選佛當在何處曰江西馬太師出世此選佛場也師往見馬祖乃令參南岳石頭傳 兔馬象同在佛所聞說一味之法然所



五佛經  
卷七  
證各有淺深譬三獸渡河兔渡則浮馬渡及  
半惟火香象徹底截流 達摩傳曰波羅提  
法中龍象水行中龍力大陸行中象力大負  
荷大法者比之龍象

釋語

浮圖言聚相 僧伽言衆僧 招提言方僧  
沙門言勤息 闍黎言軌範 泥梨言喜樂  
泥梨迦言無雲處 伽陀言諷誦 毗尼言律  
法 般若言智慧 涅槃言無爲又言滅度

言常樂 阿毗曇言經律論 修多羅言經

吃栗多言賤人 底栗車言畜生 羯麼陀言

知事 宰堵波言墳 優婆塞言清信士言

僧言德士 優婆夷言清信女言尼 摩訶

薩言大有情謂能救度人 婆演那言周圍

節舍院 須菩提言長老 阿蘭若空靜處

檀那檀越皆施主 孟蘭盆言救倒懸 菩提

言正覺 薩埵言有情 阿耨言無 多羅

言上 三藐言正等 阿耨多羅三藐三菩

提者乃無上正等正覺又謂無上真性 波

羅密言到彼岸即佛地 毗盧遮那言種種

光明遍照 維摩詰言淨名 鉢塞數珠言

引接下根 軍持言淨瓶 佛多浮屠部多

毋馱没陀並言覺又為佛 迦葉言飲光

迦羅言袈裟無垢衣 忍辱鎧 消瘦衣 離

塵服 阿羅婆達多言不熱 耶輸陀羅言

花開 賓迦羅言看花 拘摩羅言童子

馱索迦言廝養 阿難言歡喜 鳩鳩陀言雞

又名鑽籬菜 僧伽藍摩言眾園 毗阿羅

言遊止處 鄔婆斯迦言尼 式义摩那言

學法語尼有髮 舍利佛言鷲子其母身容

端正目如鷲子兼母之名 大比丘言乞士

乞食資身乞法煉心 大阿羅漢言無着無

煩惱無貪嗔無違順心境俱定 摩訶目犍

連言大采菽族人眾多言他為大故名 摩

訶迦葉摩訶言大迦葉言龜氏其母感靈龜

負仙圖而出故名 摩訶迦旃延言文飾能



通教義 留陀夷言黑光形粗黑故名 摩

訶拘締羅言大膝從形狀得名舍利佛母舅

阿菟環言兔子 離婆多言星宿父母禱星宿

而生故名 周利槃陀伽言繼道其母省親

生于路傍 難陀言善歡喜佛親弟阿難陀言慶喜佛堂弟 羅睺

羅言覆障能障日月如來親弟 樓駄言無

貧 憍梵波提言牛 賓頭盧言不動 頗

羅墮言利根 摩訶劫賓那言房星母禱房

宿而生 薄拘羅言美容 六塵色音香味

觸法 眼入色耳入音鼻入香舌入味身入

觸意入法是謂六入又謂六根六識六根六

識 五蘊即五陰色受想行識 三藏經律

論 三禪坐禪為上誦經為中助眾為下

六通天眼天耳天心宿命神足滿盡 恩有四

種父母師長國主施主 七聖財一信二精

進三戒四慚愧五聞捨六忍辱七定慧 五

濁劫濁見濁煩惱濁眾生濁命濁 三玄體

中玄函蓋乾坤句中玄隨波逐浪玄中玄截

斷衆流 或問一體三寶大珠慧海禪師曰  
心是佛佛是法佛法無二和合爲僧卽是一  
體三寶 道言貞一儒言致一佛言三昧言  
一卽有二遂致于三言三卽昧在其中

神

粟神曰許給姓天慶 女夷天帝女女夷鼓歌  
以司天和以長百谷草木禽獸花神 黍神  
曰倂佞蘭郝 麥神曰福習 豆神曰靈殖  
姓藥樂 水神天吳獸人面八手八足十八

尾 黃父東南人以鬼爲飯以霧爲精漿

刀神曰脫光 弓神曰曲張 箭神曰續長

玉精曰委然似美女見則以桃戟挑之呼其名  
可得 鏡神曰紫珍王度夢朱冠紫衣人言

竈神姓張名單字子郭又名隗狀如美女夫人  
字卿忌 井神曰吹簫女子 海神曰海若

海曰百谷王 禺强北海神 江神曰奇相

淮水神曰無支祈形如獼猴縮鼻高額青身白  
首金目雪牙頸伸百尺力踰九象善應對言



語辨江淮淺深 村留神在渭水石柱橋常  
 與魯班語班令其没水今置像于水 洛河  
 神曰宓妃伏羲女 玄冥子壬夫 祝融女  
 丁芋 冰夷都中極之淵深三百仞人面龍  
 身 青牛嫗為地祇遼太后至遼見女子乘  
 青牛車避路忽不見後童謠曰青牛嫗曾避  
 路 嵩岳廟神像玉人高五寸玉色光潤製  
 作極佳莫知所造山中人云屢失之旬餘復  
 在 山都似人有男女身長常在幽昧中似

鬼物 西岳之玉羊 華山之精 常山畢

昂之精 耀魄寶天神名 鬱華又名鬱儀

奔日之仙與日同居 結璘奔月之仙故曰

黃文結鄰與月同居 雷曰豐隆 河伯水

神所至輒雨 雨師曰玄冥又曰屏翳 飛

蕪風伯亦曰風師 巽二 封姨 青女霜

雪神 大荒中鞠陵山有神名折丹處東極

以出入風 孟婆帝女遊于江出入必以風

雨自隨 獠狂惡鬼名獠 肺神曰皓華字

虛成 髮神曰蒼華 脾神曰常在 南方

有長三尺走如風所見之國大旱即旱魃

女媧禿無髮所居處天不雨 馮夷華陰人服

花八石得為水仙名河伯 淮渦水神 菀

窳蚕神 波旬魔王也 三煞青草烏鷄青

牛 伯強癘鬼 赤郭食鬼 裴漸能制鬼

人號漸耳 山中有物如小兒伸手引人名

傒囊 黔羸司造化神 洛陽牟穎葬枯骨

後有急呼赤丁自來救護 閼遏伯實沈皆

高辛氏子居曠林兩不相能堯遷閼伯于商

丘宋地主辰商人是因故辰為商星遷實沈于

大夏晉地主參故參為晉星故實沈參神也

允格臺駘昔金天氏少昊也有裔子曰昧為玄

冥師生此二子臺駘能業其官宣通汾洮封

諸汾川故臺駘汾神也 天山有神狀如黃

囊赤如丹火六足四翼渾沌無面目識歌舞

實惟帝江 山神曰螭物精曰魅土精曰羶

水精曰罔象木精曰畢方火精曰遊光金精



曰清明 膏神曰鴈孃黛神曰天軼粉神曰  
 子占脂神曰與贅首飾神曰妙好衣服神曰  
 厭多楊太真粧束每件呼之人謂之神粧  
 筆神曰佩阿又曰昌化硯神曰淬妃墨神曰回  
 氏紙神曰尚卿 司書神曰長恩除夕呼其  
 名而祭之鼠不敢齧蠹魚不生

帝

唐高起義師夢甲馬飛空又夢為群蛆所食  
 睿宗為冀王日壁上蝸跡成天字 明皇微時

至洛陽夢食崔日知架上藤花 北齊文宣  
 將受禪夢人以筆點額王曇首曰王上加點  
 為主當進也 齊武帝討戴凱之饗士大熱  
 令軍士各折荆枝自蔽言未終有雲垂蔭  
 后妃

華胥太昊母 皇娥少昊母 昊樞軒轅母  
 女登神農母 鄒屠氏帝嚳母 大虹竟天握  
 登見意感生帝于姚墟 都慶與赤龍合而  
 生堯 大星如虹下流華渚女節意感而生

白帝 瑶光如蜺貫月感女樞生顓頊 大  
電繞北斗樞星感符寶而生黃帝 舜母感  
樞星精而生舜 禹母含珠孕禹生塗山

昭陵后名含游洛見玉雞啣赤珠吞之生漢高祖

獨孤信三女俱爲后長生周武帝次生隋煬帝

次生唐高祖 和帝鄧后衣不擇采裝不務

飾 杜后少有姿色長猶無齒成帝納采日

一夕齒生 馬后置織室蚕宮于濯龍中數

往觀視身衣大練縑裙 皇后採桑壇在蚕

宮西南后親蚕禮着十二笄步搖乘畫雲母

安車駕六騮馬 梁武鎮樊城望漢濱有五

彩如龍下有女子澣統帝納之乃丁貴嬪也

貴妃生于蜀常誤落于池后呼爲落妃池 貴

妃夏月汗出紅膩而香拭之中帕色如桃紅

梅妃江采蘋侍明皇有寵常吹白玉笛作驚鴻

舞一座輝彩后因貴妃得幸遷上陽宮上密

賜珠一斛妃作詩辭之上以詩度曲名一斛

珠詩云柳葉雙眉不用描紅粧和淚濕鮫綃長



門自是無梳洗何必真珠慰寂寥 上使后  
 宮各插花上使親于蝴蝶隨蝶所止謂蝶幸  
 元后厭居深宮王莽欲市歡令四時巡四郊春  
 幸蠶館遵霸水而後除夏遊鄴社秋歷東館  
 浮昆明集黃山宮冬享飲飛羽殿校獵上蘭  
 觀 飛燕初名宜主以其體輕故名與妹合  
 德本馮萬金所生因馮與私江都王女孫趙  
 曼妻一產二女冒姓趙 又常與妹通鄰人  
 射鵰者露立戶外風雪大作飛燕閉息順氣

體無寒栗射鵰者以為神人 飛燕誤唾妹

袖紺碧如石上花因號石華廣袖 桀伐珉

山獻二女曰琬琰桀刻其名于茗華之玉茗

是琬華是琰 先主置甘后于白紗帳中望

之如月中聚雪 吳孫和悅鄧夫人常弄如

意誤傷其額以白懶髓雜玉與琥珀點之痕

滅反益其妍 吳主潘夫人坐法夫人輸入

織室愁貌亦能惑人名神女取納后宫以恣

色見寵 丹山即巫山帝女居焉名瑤婦

東宮

太子年十八曰孟侯 前星太子星 元臯山  
南望幼海海即少海海比太子 祝融生太  
子長琴處搖山西海外作搖山之樂 中宸  
天地交會之處儀宸太子居 白鶴太子所  
居宮故稱駕曰鶴駕禁曰鶴禁 太子門曰  
承華太子宫有甲觀 太子正體育德于少  
陽陽者東方又震爲長子 東明山有宮青  
石墻門有銀榜碧鏤題曰天地長男之宮

漢明帝太子時樂人作四章曰日重光月重輪

星重輝海重潤

太子監國符制取雙龍左

右各一左者進內右者付外 梁昭明太子

好士愛文築立亭館與諸賢泛舟玄圃池侯

軌云宜奏女樂太子不答誦左思招隱詩軌

慙 唐歸登爲太子侍讀獻龍樓箴以諷

文帝愛太子常命太官具兩檐積食以一賜之

昭明太子賜東宮舍人劉杳字士深瓠食器曰

卿有古人風故遺古人之器 楚共王以璧



五侯七貴  
卷七  
五十一  
祀羣望與巴姬埋壁于太室廟使五子拜之  
惟平王弃疾拜當璧

### 宗室

梁孝王武實太后子漢立梁最親有功築東苑  
三百餘里大治宮室爲復道自宮連屬於平  
臺賜天子旌旗入朝與景帝出入同輦招延  
四方豪傑山東遊士皆至 淮王安厲王長  
子好琴書流名譽致賓客方術之士著鴻烈  
二十篇號淮南子云字中皆挾風霜 梁懷

王揖文帝少子好詩書後因入朝墮馬薨

河間獻王德景帝子修學好古從民得善書破

服儒術來朝武帝詔策問三十餘事皆拒道

術而對得事之中文約指明 閔王榮景帝

子坐侵廟墾地爲宮帝徵榮榮恐自殺葬藍

田燕數萬畝土置冢上百姓憐之 中山靖

王勝來朝上置酒勝聞樂泣問其故對曰臣

聞悲者不可紿紿思者不可爲太息故高漸

離擊筑易水之上荆軻爲之低而不食雍門

子壹微吟孟嘗爲之於邑夫衆煦漂山聚蚊  
成雷朋黨執虎十夫橈椎是以文王拘於羑  
里孔子厄於陳蔡衆口鑠金積毀銷骨叢輕  
折軸羽翮飛肉紛驚逢羅潛然出涕臣聞白  
日麗光幽隱皆照明月照夜蟲蚊宵見云言  
群小壅閑 慕容超云天族多奇王林皆寶  
敬王睦光武兄伯升後裔少好學博通書傳善  
屬文作春秋胥義終始論及賦頌數十篇又  
善史書當世以爲楷則 東平王蒼好經書

雅有智思與公卿定議南北郊冠冕車服制  
度及光武廟登歌八佾舞還朝帝懷思乃手  
詔國中傳曰辭別之後獨坐不樂因就車歸  
伏軾而吟瞻望永懷實勞我心誦及采菽以  
增悲嘆日者問王處家何事最樂王言爲善  
最樂其言甚大 唐宗室孝節曾孫高事母  
孝初爲枝江丞張東之曰帝宗千里駒 孝  
同曾孫國貞父廣業剛硬有吏才國貞官京  
兆尹清白善用法世稱辨吏 唐渤海敬王



五侯魚 卷七  
奉慈博義七世孫戡少孤十歲卽好學大寒  
掇薪自炙夜無燃膏默念所記二十明六經  
舉進士試吏唱名耻之竟歸江東隱陽羨里  
里人有爭訟不之官而之戡論着數百篇戡  
字定臣惡元和有元白詩艷麗不逞而世咸  
重之乃集詩人類夫古者斷爲唐詩以譏正  
其失 高祖子孫韓王元嘉少好學藏書至  
萬卷皆以古文字參定同異與弟靈夔友愛  
燕見終日如布衣禮閨門修整當世稱之

霍王元軌始王蜀後徙吳王多材藝魏徵對太  
宗云經學文雅漢河間東平至孝行魯閔不  
能過歷絳徐定三州刺史所至閉閣讀書謙  
慎未嘗與物忤引處士劉玄平爲布衣交  
鄭惠王元懿歷鄭潞絳三州刺史喜經術數  
斷大獄 滕王元嬰遷洪州都督作滕王閣  
性驕縱不循法度 太宗子孫吳王恪子仁  
無忌諱流嶺外後遇赦還歷鄂州別駕爵郡  
公常使江左人遺以金不內武后遣使勞之

曰兒吾家千里駒因名千里 仁弟琨生子  
禕少有大志事繼母謹慎與異母弟祇以友  
稱爲刺史治嚴辨進拔吐蕃玄宗加之更號  
石堡城曰振武軍治家嚴教子有法故岷嶧  
峴皆顯 越王貞善騎射有吏幹爲宗室材  
紀王慎爲襄州刺史以治當最天子璽書  
勞勉立石頌德少好學善星步與越王齊名  
世稱紀越 曹王明三子俊傑備傑子胤胤  
孫臯爲荆南節度使有戰功修堤墾良田治

廬舍教民鑿井而飲後徙山南東道臯性勤  
儉能知人疾苦參聽微隱得吏下長短賞罰  
必信常平物估豪強不得擅其利 清河王  
擇最賢第宅踰高陽有儒林館退賓堂土山  
釣臺冠當世叙峯入牖曲沼環堂樹響飛嚶  
階叢花藥芳醴盈壘佳賓滿座 臨淮王彧  
博通典籍性愛林泉重賓客至春風扇揚花  
樹如錦俊民滿席羽觴流行詩賦並陳清言  
乍起是以入或室者咸謂登仙



師

梁大祖父誠以五經教授鄉里大祖節度時謂  
母曰朱五經平生讀書不得一第有子爲節  
度使無忝也 堯之師曰許由由之師曰齒  
缺缺之師曰玉倪倪之師曰被衣 蒲衣八  
歲爲舜師 計然者蔡丘濮上人其先晉公  
子也姓辛氏字文當南遊越范蠡師事之又  
蠡所著書名計然 楊厚字仲相門徒三千  
卒謚文義

宰相

唐德宗見案上曆謂劉瑑曰卿可擇一良日瑑  
曰某日良帝笑曰是日卿可遂相 李藩遷  
給事於制勅有不便者于勅後批却之帝謂  
有宰相器遂拜相 宰相判事有堂案處分  
百司曰堂帖 宋璟爲相春宴帝賜金筋表  
其直

學士

柳公權爲翰林學士文宗夜召之燭盡宮人以

蠟濡紙繼之 肅涉為學士帝至其院值涉  
 寢時方寒以妃蜀襖袍覆之而去 鄭珏為  
 學士閣下一麻生是夕制出拜相霜降成實  
 乃白麻也 初日映九英梅射學士元稹百  
 僚望之曰豈腸胃文章映日可見乎 陳彭  
 年在翰林人謂一條冰官銜曰冰銜 明皇  
 以步輦召學士姚元崇 張九齡坐七寶山  
 座論辨風生 學士許慎選春遊常聚落花  
 鋪座為花裯 宋學士王珪召對藥珠殿設

紫花墩命坐 學士王涯帝數幸其第以所  
 居遠詔假光宅里第諸學士莫敢望 唐學  
 士初上賜食悉是蓬池膾夏至頒冰及酒以  
 酒和冰而飲禁中有郢冰酒坊 陸贄年少  
 入翰林天子以輦行呼陸九 學士每下直  
 出門謂小三昧出銀臺上馬謂大三昧言去  
 纏縛就解脫也 馬融直史館暑甚曰安得  
 披襟赤脚踏陰山層冰洗滌塵熱 唐宣宗  
 令韋澳纂次州縣風物利害名處分語



六部

吏部王戎為甲午制凡選舉皆先治民而後授用 唐吏部凡官員試判登科者為入等甚拙者謂藍縷選 吏部掌歲較其屬功過

晉吏部缺帝問鍾會會曰王戎簡要裴楷清通其選也 戶有金部掌錫石丹青 念珠曹

禮有容臺

春臺

膳部

冰廳

祠

部

兵有緡雲司駕部

刑有白雲司

秋

臺

比部

都官掌不法

工有虞部水部

故事以兵吏左右司為前行刑戶為中行工禮為後行每行各管四司以本行為頭司餘為子司

給諫

給舍分司押事故舍人謂之六押押署也 白

筆古珥筆視君子有文武之備 張安世持

橐簪筆備雇問橐盛書簪筆插筆于首以記

事青囊盛印奏劾用青布囊盛于前奉王法

也尚質直故用布非奏劾劾用青繒囊盛印

于後尚文明故用繒 張湛帝見之輒曰白  
馬生且復諫矣 薛收諫秦王田獵王答曰  
覽所陳知成我者卿也明珠兼乘未若一言  
起居舍人執筆隨宰相入殿夾香案分立殿下  
元稹云我是玉皇香案吏 王斗修道不仕  
常謁齊宣王門諫王治國不如愛尺穀 齊  
宣王爲巨室三年未成莫敢諫者香居諫之  
王曰香子留何諫寡人之晚也 黃門侍郎  
掌通內外及諸王朝見漢儀日莫入對青瑣

門拜名夕郎

中丞

梁中丞給威儀十人其八人武冠絳鞬執青儀  
囊在前 御史故事食坐之南設橫榻謂南  
床殿中監察不得坐 中丞司隸校尉尚書  
令並專席而坐故名三獨坐 八座六尚書  
及左右丞乘車白恰恰音峽弁缺四隅爲恰  
梁任昉爲中丞後進宗之到漑劉孝綽車軌日  
至號蘭臺聚 廖中丞周字用中太父母皆



九十餘堂名世綵士人詩歌名世綵集名重天下 梁王僧孺幼貧母鬻紗布携之至市遇中丞鹵簿迫入溝中後孺作中丞泣感

中丞銅印墨綬進賢兩梁冠佩水蒼玉介憤絳朝服 傅玄爲中丞每有奏劾或日暮則捧白簡整襟帶坐以待旦於是貴游懾伏臺閣風生 漢官儀御史內掌蘭臺秘書外督諸州刺史故秘書省御史臺爲鄰

御史

御史初入臺陪直比五日爲伏豹直取不出義衆官皆出彼獨潛謂之豹直 六察一察官人善惡二察戶口流散賦役不均三察農桑不勤倉廩虛耗四察妖猾盜賊五察茂才異等六察黠吏豪宗兼并縱暴 五術察風俗聽謠訟審其哀樂納市價觀其美惡訊簿書考其爭訟覽車服等其奢儉省作業察其趨舍 李珣爲侍御史宰相韋處厚曰宗廟器豈搏擊才乎除禮部郎 御史供奉赤墀下

接武夔龍遙羽鷓鷯 侍御史即周柱下史  
知雜亦御史知雜事者柱下以其在殿柱間  
唐楊憑貶臨賀尉獨所善客徐晦至藍田慰餞  
李夷簡荐晦為御史曰君不負楊臨賀肯負  
國乎 唐臺儀御史以鷺羽飾車鷺見泉中  
魚象察微隱

太守

廣漢儒叔林為東郡太守烏巢於廳事免產床  
下 虞愿守晉平海邊有越王石雲霧隱蔽

太守清廉則見愿往觀清徹無隱 陸象蒙

遠祖績守鬱林歸載一石以重船置姑蘇門

人稱其廉故名 李冰守蜀于玉女房下白

沙郵作三石人立水中刻江神像水竭不見

足漲不沒肩 袁宏守東郡謝安授以扇宏

曰當奉揚仁風慰彼黎庶 沈豐守零陵甘

露降膏潤草木 田元均治成都有聲人謂

照天蠟燭 吳善守河東賊叛者聞之解散

名吳河東 尹翁歸守河東門下文武兼備



王僧孺守南海無越裝 晉和嶠守潁州政清

簡如千丈松有棟梁之用 北齊蘇瓊守清

河郡人太守趙頴得新瓜自來獻苦請置之

梁上 馬援守武陵賑貧窮薄賦稅蝗入海

化爲魚蝦 梁伏緇守新安多苧蔴家人至

無以爲繩 虞國守日南有異政雙鴻隨軒

而舞 梁范述守永加罷郡惟得白桐木火

龍朴數枚而已 侯霸字君房守臨淮被徵

百姓攀轅臥轍 楊宣守河西羣雀鳴桑間

宣知前有覆車粟 張堪守漁陽百姓歌曰

桑無附枝麥穗兩岐 云云

褚翔守義興郡西亭枯樹復生枝葉善政所感

太守梁柳之官或勸皇甫謐餞之謐曰柳布衣

時迎送不出門今作郡送之是貴城陽太守

而賤柳非吾心所安 宋世良字元友守清

河大赦郡無一囚獄生桃蓬蒿亦滿衙門號

神門 晉傅祗守滎陽造沉萊堰至今豫充

無水患 蔡守吳興種白莧紫茄于齋前

詔褒其清 唐陸長源守汝州去送車二乘  
 曰吾祖罷魏州車一乘圖書半之吾愧不及  
 蜀孟昶以歐陽彬刺嘉州喜曰青山綠水中作  
 二千石作詩飲酒為風月主人 唐左振出  
 為黃州刺史黃人德之作二歌 云云  
 張開刺荊州至界風雨晦冥聞空中殿喝聲雲  
 中有衣紫披甲胄開問之云是內外神導由  
 此政譽尤善 盧與刺陝州有嚴毅聲玄宗  
 幸陝知有神政題贊廳事曰專城之任分陝

之雄 云云

房豹字中幹守樂陵瀕海水鹹苦豹鑿井得甘  
 泉人為善政所感及罷味復鹹 裴俠字嵩  
 和儉素吏人懷之歌曰肥鮮不食 云嘗與諸  
 牧守謁周文莫與並立者號獨立使君 孔  
 奩字休文守晉陵儉素號神君曲阿富人殷  
 綺以衣羶一具遺之不受 鄭述祖字恭文  
 與父道昭俱刺兗州民歌曰大鄭公小鄭公  
 相去五十載風教猶尚同 韋叔裕字孝寬



守浙陽獨孤信守新野俱隸荊州政俱美號  
連壁 元孚字秀和刺冀州勸課農桑號慈  
父鄰州號曰神君又惡黨八王皆效死致力  
梁裴邃字深明左遷始安守不樂致書呂僧珍  
曰昔阮咸顏延之有二始之嘆吾才不逮古  
人今爲三始後守竟陵開屯田公私便之  
夏侯夔字季龍兄亶字世龍先後刺豫州民歌  
曰我之有州頻得夏侯先兄後弟布政優優  
崔景貞守平昌有惠政常懸一蒲鞭而未常用

郟刺兗州作清風觀明月樓

別駕

隋趙就爲齊州別駕詔入朝百姓餞之曰公清  
如水請餞一杯水 石曼卿海州通判山峻  
以泥裹桃核擲嶺上三年花如錦綉 秦置  
郡丞以佐守左遷爲長史掌兵馬漢因之設  
治中別駕主衆曹文書均號上佐 劉隨待  
制爲成都通判嚴明通達人謂水晶燈籠  
孔恂字巨卿爲別駕車前後舊有屏星如刺史

車曲翳儀式刺史行部欲命去恂曰徹去屏  
星毀國舊儀別駕可去屏星不可去 別駕  
舊與刺史別乘同宣王化於萬里其任居刺  
史之半 羅含字君章桓宣武辟爲別駕以  
官解喧擾於城西小洲上立茅茨木牀葦蓆  
布衣蔬食桓曰此自江左清秀豈惟荆楚官  
舍常有白雀棲集致仕歸庭前蘭菊忽生  
柳宗字伯騫爲治中所拔進皆世所稱交久益  
親語曰得黃金一笥不如柳伯騫所識 陳

蕃刺豫州辟爲別駕諫諍不合投傳去 龐  
士元非百里才使處治中別駕始能展其驥  
足 孔休源字慶緒爲晉安王府長史累佐  
名藩得名譽王常於齋中特設一榻云此是  
孔長史坐人莫得預

縣尹

李元紘令餘杭治有聲遷潤州司馬群鵲飛擁  
行車百里而還 琅琊董仲令不其赤雀乳  
桑上民爲作歌 百里嵩刺徐州境旱行部



傳車所經甘雨隨車而降 韓陵令下邳吏  
 人愛慕鄰縣雨雹陵界獨無 喬智明為縣  
 令民愛之號神君 王阜令醴泉鸞止學館  
 阜張雅樂應聲飛舞復栖縣屋旬餘乃去  
 又馬伉不受李抱真帛及醴泉令缺德宗曰使  
 澤潞不用幣人可用也 後劉平為全椒長  
 民增貲就賦減年從役 宋登字叔陽為故  
 陰令稱神父 岑文本父令邯鄲為人訟不  
 得申命本作蓮花賦會臺嗟賞乃得直 顧

愷之令山陰晝日垂簾門皆閉寂務簡而政  
 理 姑臧稱富邑孔奮在職四年財產無所  
 增或笑以身處脂膏不能自潤 樂法才令  
 建康不受俸秩梁武常加其清節曰可為百  
 城表矣 閻憲令綿竹禮讓化民民杜成夜  
 行得遺賄一囊有綿二十疋求其主還之曰  
 縣有明君何敢負也 王元規令清河縣民  
 歌其政有十奇

清蕪

唐德宗賜牛僧孺彝尊龍杓曰精金古器以比君子 唐王丘更歷華劇所守清約 韓思彥受張僧孺縑一匹曰孝子縑不輕用 皇甫無逸按部宿民家燈燼盡自斷帶益之 柳玘為嶺南節度使食解中橘納直于官 賈敦頤刺史數州入朝弊車一乘馬甚羸 裴潛刺兗州作一胡床及去官留以挂柱梁 白有詩云去時無一物東壁挂胡床 致仕

鄭均病歸賜尚書祿終身號白雲尚書 吏有予告賜告予告者在官有功法所當得賜告者病三月當免天子優賜其告使帶印綬歸家養病

官號別名

朱落雁朱漢賓射一飛雁中其臆臆上貫一金 錢有篆文皆無識由是號為朱落雁 梁攻兗鄆鄆州朱瑾募驍勇黥雙雁于其頰號雁子都大祖聞之選勇士數百號落雁羣後漢



賓貴人猶云云 北齊斛律光射鷓鴣中其頸號  
落鷓鴣都督 北齊魏牧輕薄號驚蝴蝶 高  
駢見雙雕曰我貴必中之一發貫雙鷓鴣號落  
鷓鴣侍御 王素爲御史論列是非得旨方退  
號獨擊鷓鴣 蘇味道才學識度得霜鷹 王  
方慶言詞鈍陋號凍蠅 兵曹烏雀希喬仁  
孝在并廳前有小鳥如鷓鴣巢叢蒿上孕卵  
五色如雞子雛出月餘五色成文大有馴擾  
飛翔時歸舊所故號 李林甫精神剛戾常

如索鬪雞 白鳩郎鄭弘舉孝廉朝廷稱之  
軍旅

貞觀中選驍捷善騎射者曰飛騎從上遊幸

後周韓果破稽胡號飛將周文咲曰着翅之名

寧滅飛將 周設七萃漢列八屯所以拱衛

王宮肅清蹕道 爾朱榮討葛榮雙兔起馬

前誓曰中之則尅兔應弦而斃立雙兔碑

唐石雄討劉稹射白鷺曰中其目可成功一發

中之果平 李靖造六花陣謂八陣卽九軍

五侯鯨  
方陣六花卽七軍圓陣 唐德宗記諸州兵  
給衣糧謂官健點差土人謂之團結 唐長  
孫晟突厥畏之聞其弓聲可謂霹靂見其走  
馬爲閃電 王琳字方慶遷廣州都督政治  
第一詔賜瑞錦以彰瑞政

輿服

二千石以上銀印綠綬以艾染之謂銀艾 趙  
宋兩自汴省郎並出入重戴戴大戴帽也兩  
制亦然 趙昭儀大幸每上甘泉常法從在

屬車間豹尾中注天子駕屬車八十一乘作  
三行尚書御史乘之最後一乘懸豹尾尾以  
前皆省中 車駕行羽儀雙導謂鹵簿鹵大  
盾捍敵部伍之次皆着之簿故名

雜職

便侯爲無功而侯者 若盧少府主弩射之官  
又獄令治庫兵 如京倉官取詩如坻如京  
之義 水衡都尉掌上林苑 象胥通夷狄  
之言又云通王言者 所由州郡官卽今保



正綱官牙校僧貢京師只空回也 楊滔  
 命下作勅無本斲牕取之號斲牕舍人 道  
 人木鐸宣令之官 準人守法有司 綴衣  
 掌服器官 復陶主衣服之官晉使絳縣老  
 為之 天牧為天牧養民者 常伯牧民之  
 長 尹伯有司之長 方面當四方之一面  
 材官騶發材官有材力者騶矢之善者發騶矢  
 以射 凡官府都鄙之治中受而藏之禮中  
 要也謂其治職簿書之要 明皇歲遣使選

擇天下姝好號花鳥使 交趾進瑞龍腦楊  
 妃私發明馳使持二枚與祿山明馳者眼下  
 有毛夜明日行五百里 宋初州判分知州  
 權名監州故錢昆嗜蟬常曰但願有蟬無監  
 州則可 山林之木衡鹿守之澤之荏蒲舟鮫  
 守之藪之薪蒸虞候守之海之鹽蜃祈望守之  
 寡學

蕭靈不知書以伏臘為伏獵嚴挺之曰省中豈  
 有伏獵侍郎乃出之 陸羽為僧所得張衡

南都賦不能讀效羣兒囁嚅若成誦師怒令  
 薙草 北齊孫搦學淺行薄常服棘刺丸李  
 諧謂曰卿應自足何暇外求一座皆咲 五  
 代安叔干狀貌堂堂而不通文字人謂沒字  
 碑 北齊邢邵雕虫之美獨步當時三子大  
 道大德大路不識字 周子有兄而無慧不  
 辨菽麥 有尚書不識春菟字誤為春菟號  
 春菟尚書 莊子云人而不學謂之視肉學  
 而不行命之撮囊四字頗奇 北齊所為碑

碣命韓熙載八分書之載常以紙塞鼻曰其  
 辭穢且臭 楊雄作太玄經劉歆曰後人覆  
 醬醜爾

花師

晉新野君家以剪花為業染絹為芙蓉捻蠟為  
 菱藕 牛單父字仲孺種牡丹能變易千種  
 人稱花師 鍾氏染羽以朱湛丹秫三月而  
 織之湛漬也丹秫赤粟羽以飾旌旗 薛醜  
 刀圃里人善栽植凡花穿接無不冠絕常持



厚春刀剪剔繁穢遂名此爲薛醜刀

醫

王度有一寶鏡歲疫度令僕持鏡詣疾家照之  
卽愈皆云見龍駒持一月鏡光彩被體清涼  
而愈 北海君病癩見市有賣蘭姓公孫因  
問之公曰明日木蘭樹下當教君明日往授  
素書二卷以消灾救病無不愈者 一人爲  
蛇傷痛苦欲死見一小兒來曰可用兩刀在  
水相磨取水飲之效言畢化爲綠螾走入壁

孔中其人如方卽愈因號綠螾爲蛇醫卽守  
宮也

人物別號

織簾先生沈鱗士字雲禎有高尚志織簾爲業  
故名 白居易故意文酒自號醉吟先生又  
稱香山居士 蘇門先生孫登 陳希夷名  
搏字圖南號扶搖先生 楊炎退居求去號  
玄靜先生 皇甫謐字士安號玄晏先生  
趙德麟號藏六居士 耐辱居士司空圖 葉

適號水心先生有文集 雲谿醉叟种放

高陽酒徒酈食其 宋纖字令文隱居酒泉南

山謚玄虛先生 晉索襲好學不應辟命謚

玄居先生 唐趙元友人宋之間等謚之曰

昭夷先生 喻汝厲不附和議號捫膝先生

鄭澹日與客投壺飲博號白雲翁 唐鄧世隆

棲白鹿洞號隱玄先生 孟郊字東野謚貞

曜先生

隱逸

光武時辛繕隱華陰有鸞集繕槐樹太守以聞

帝辟之不起 鶴頭紋脚皆漢詔板召隱士

者 阮瑀隱臨薤谷張元錫徵之瑀指鴻曰

此鳥安可籠哉 谷口鄭子真不屈志耕岩

石下名動京師 梁鴻將妻之霸陵山耕耘

織作以供衣服彈琴誦書以娛其志成芳隱

麥林山剝苧爲短欄寬袖之衣名隱士衫

延陵季子見道有遺金不拾令披裘翁取之翁

曰五月披裘豈取金者哉 漢有應曜隱淮



陽山中與四皓俱徵不就人曰商山四皓不  
如淮陽一老 鹿皮翁淄川人爲少府小吏  
隱岑山得仙時賣藥齊市中 漢濱父桓帝  
過沔州幸景陵臨雲夢有老父獨耕不輟問  
姓名不答 朱桃惟結廬山中常結十芒屨  
置道上見之曰此居士屨易米菜輒取去  
皮日休著鹿門隱士書六十篇又龐德夫妻隱  
鹿門 絡耕道唐隱士言修養術 王通弟  
績不樂仕進授秘書正字還鄉里令奴婢種

秫釀酒養鳧鴈蒔花草遊北山東臯著書號

東臯子 德公子棄官居白沙里人敬之語

曰我家池中龍種來 唐陳繼善致官理小

圃成畦布珠百顆于土上若種蔬狀記顆俯

拾周而復始以爲樂 陸通妻自市來見門

外車馬跡問曰門外轍跡何深也通以楚王

聘使至妻云云遂變姓名俱隱蛾眉山 翟

湯字道昇篤行純素四世有隱行號潯陽四

隱 陸通幘掛松頂有鶴啣至水濱通洗之

五侯魚  
與鶴同去 陳馬樞隱茅山有白燕雙巢樹  
時一至几案春來秋去三十年 宋關之隱  
居散髮披黃布帕席松葉枕白石顏延年等  
候之咨嗟而去 鄭薰字子詩居名隱岩庭  
前蒔松號七松處士

孝應

唐裴敬彝曾祖子逋居母喪白鳥巢蒙樾 陶  
侃廬母墓有二鶴來吊 介象死吳先主思  
之以象住屋作廟時有白鶴集其上 蕭倣

居廬二慈烏各集一樹每臨一時舒翼悲鳴

有助哀狀 崔玄暉居父喪廬有燕更巢共

乳 丁密廬父喪有雙鳧游密廬前小池後

母喪亦然 皮延山陰人事母孝居喪有白

鳩巢廬側 張九齡母喪亦有白鳩來巢

徐憲之亦然 齊孝子王虛之楊梅隆冬三實

墓左奈冬一實每夜所居白光如燭 梁夏

侯祥廬父墓側有三足雀來集 翟普林廬

父母墓鵲巢其栢樹司隸奏其孝感推孝陽



命 吳隱之事母孝及執喪家貧無鼓哭臨  
 之時恒有雙鶴警叫 白符鳩檀道濟拜大  
 將江州刺史後遣還有鳥如鷓集船悲鳴後  
 被殺人歌曰可憐白符鳩枉殺檀江州 吳  
 中女子相與簪白花望之如素奈傳言織女  
 死為着服晉杜后於是崩 蜀吳順 吳朱  
 仁執皆奉親純孝赤鳥來巢順則巢門軌則  
 巢樹 楊炎三世以孝聞門樹六闕古所未  
 有 唐萬敬儒三世同居喪親廬墓刺血寫

浮屠斷指復生號成孝卿

壽徵

蜀青城山老人村有見五世孫者溪中多枸杞  
 根如龍蛇飲此水故壽 仲秋祀老人星于  
 國郊 民年七十授以玉杖杖端飾鳩鳩不咽  
 鳥 南陽有菊水甘而芳居民飲其水皆壽  
 翁源韶州靈山有石人鬚眉皓白號老翁人居  
 此源皆壽 臨沅民世百歲其宅井水赤乃  
 丹砂汁因泉入井飲而得壽 諸沃之野搖

山之民飲甘露壽少者亦八百歲

胤徵

韓忠獻公億王夫人夢僧持五葉蓮花摘飼之  
生五子皆貴顯 高琳字琇琳母嘗被襖泗  
濱見一石光彩潤朗持歸後夢人衣冠若仙  
謂曰石是浮磬之精君受之必生貴子後生  
琳因名字焉長有大度從文帝有戰功位開  
府儀同三司 後漢何比干字少卿都尉丹陽  
有陰功一日天雨老嫗求避雨雨甚而衣履

不濕謂比干曰天賜公策乃出懷中符策如  
簡長九尺凡百九十杖授比干子孫佩印綬  
者如此算 王知遠母晝寢夢鳳集其身因  
有娠 徐寧母夢鳳集其肩因生陵 張說  
母夢玉燕自東來投入其懷因孕生說爲相  
楊裕出郊有人云太岳賜爾一物裕受之歸啓  
視得石鴈雌雄各一後生男爲宣徽使女爲  
漢祖妃 乞子石在馬湖南岸東石腹出一  
小石西石腹懷一小石斲人乞子於此 齊



安德王延宗納趙郡李祖收女爲妃母薦二  
石榴多子之兆 王相國夢人領一綠衣童  
子曰汝有憂民之心賜一玉童爲宰相子後  
生慶之 李雄母孕雄時夢兩虹自地升天  
一虹中斷夫特曰二兒必有一貴雄後王蜀  
西子母夢翠雞五色自空下化爲鸚飛去生西  
子 梁到溉子鏡母初孕時夢懷明鏡因名  
唐上官昭容婉兒母鄭方妊夢巨人曰持此稱  
量天下後內秉機政 太白母夢長庚星而

生太白故字太白

父子

杜延年爲御史以居父官不敢當父舊位坐卧  
皆易其處 謝莊五子颺肫顙崧淪取風月  
景山水 楊玄感與父素俱爲柱國朝會齊  
列 李晟破朱泚王西平郡子愬後擒吳元  
濟韓文公平淮西碑惟西平有子惟我唐有  
臣 韋康代父端刺荊州父老止傳舍康入  
舍時人榮之 王羲之七子知名者五人玄

之凝徽操獻 韓億八子維絳等比荀氏八  
龍 明皇問蘇環草書難其人對曰臣男題  
文甚速上召之援筆立就撫環背曰知子莫  
如父 唐劉仁軌為將相子及兄子受上柱  
國者三人所居號三柱里 宋綬字公垂與  
父日中同在館閣綬四入翰林 鄭述祖仕  
齊與父皆刺兗州歌曰大鄭公小鄭公相去  
五十載風教猶尚同 鄭餘慶從父綱家昭  
國坊之南慶在北時謂南鄭相北鄭相 陳

羣父子每宰府辟召常同時旌命羔鴈成羣  
兄弟

賈彪字偉節兄弟三人皆有高名而彪獨優人  
稱之曰賈氏三彪偉節最優 張知蹇兄弟  
五人武后稱其才容五絕 馬良兄弟五人  
俱有才名鄉里曰馬氏五常白眉最良 孟  
昶與弟顓並風姿人謂雙珠 陸機兄弟龍  
躍雲津雲神悟速成五六歲與兄齊名人奇  
之曰此兒若非龍駒則是鳳雛 崔陵與弟



仲文同日拜官時謂兩鳳連飛 夏侯夔刺  
豫州兄亶先歷此任皆有惠政歌曰先兄後  
弟布政優優 徐廬昌衡小字龍子弟思道  
小字釋奴俱稱英妙人曰廬家千里釋奴龍  
子 王勃與弟勸勔皆有才名故杜易簡稱  
三珠樹 韋述弟迥迥述與迥對爲學士與  
迪並禮官縉紳榮之時趙冬曦兄弟亦有名  
張說曰韋趙兄弟人之杞梓 閻立本代兄  
立德爲工部尚書兄弟相代爲八座人榮之





